

## Kertas kerja UNISSA raih anugerah

Oleh Salawati Haji Yahya

**BANDAR SERI BEGAWAN, 20 DIS** – Kertas kerja bertajuk *Food Waste Conversion to Halal Organic Fertilisers* yang dibentangkan oleh Dayang Nor Surilawana binti Haji Sulaiman dari Universiti Islam Sultan Sharif Ali (UNISSA) semasa perhimpunan *Thailand Halal Assembly (THA) 2022* telah meraih anugerah *Best Paper*, baru-baru ini.

Menurut kenyataan dari UNISSA, hari ini, pencapaian itu diumumkan oleh pihak penganjur THA semasa akhir sesi pembentangan.

Dua staf akademik Pusat Penyelidikan Halalan Thayyiban (PPHT), UNISSA telah dijemput untuk membentangkan kertas kerja pada acara THA 2022 anjuran Universiti Chulalongkorn, Thailand secara hibrid pada 15 dan 16 Disember dengan tema *Soft Powering of Halal Science, Technology and Innovation*.



Dayang Nor Surilawana membentangkan kertas kerjanya semasa perhimpunan THA. - Gambar Serahan UNISSA

Semasa perhimpunan itu, Pengarah PPHT, Pengiran Dr Hajah Norkhairiah binti Pengiran Haji Hashim sebagai pembentang jemputan telah membentangkan kertas kerja bertajuk *Soft Powering of Halal Industry in Brunei Darussalam: Opportunities & Challenges*.

Selain itu, Dayang Nor Surilawana calon PhD dan juga penolong pensyarah sambilan PPHT merupakan antara peserta yang terpilih untuk membentangkan kertas kerja di persidangan tersebut.